



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanuelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Gloria sua Mundum implet. 95

urn:nbn:de:hbz:466:1-38349

ELOGIUM XCV.

GLORIA SUA MUNDUM IMPLET.

Abjecit Cœlum fulmina; inerte jam est,
 In ejus expugnationem
 Secui nunc Titanes, assurgite,
 Admisit de terra Colonias,
 Tueri se à Terrigenis, vel si velit, non possit,
 Extra tellurem
 Homo homini jam lupus non est
 Ubi livor locum non habet,
 Nemo fratrem patiatur excludi.
 Quamquam, quæ necessitas oppugnandi nunc
 Cœlum,

Quod in reciproca commercia
 Cum tellure consensit?

Datus aliquis utrinque Obfes est Deus;
 Descendit Paracletus, ascendit Christus;
 Qui tamen toto non contentus Empyreo,
 Excursionibus assiduas agit in terram,
 Nulla illi voluptas regnare,
 Si non regnet cum multis,

Occupat aras prope omnes jam solus;
 Ipse Sacerdos, ipse Victima, ipse omnia est;
 Alium Matrem jam bella non invocant;
 Alium Neptunum navigia non implorant;
 Adempta Cyprus Veneri, Delos Apollini,
 Creta Jovi.

Ignorat Ægyptus Isidem, Arcas Alcidem;
 Roma ipsa, quæ tota Pantheon fuerat,
 Per piscatoris annulum
 Uni desponsa jam Numini.

Multiplicem de Diis suis obrulit Hecatombem.
 Citra Vitium aurium verus Midas,
 Universa quæ tetigit, aurea fecit.
 Pretium ejus in flagella usq; manavit,
 Nobilitavit opprobria, quia pertulit;
 Calamitates nuda jam nomina sunt;
 Acquisiêre vim beneficii

Ex quo Dei filio pates in fortuna nos reddunt.
 PRO-

Fulmina hæc impietatem petebant, erant autem tanquam lingua.

Alludit ad fabulam Gigantum notissimam.

Cælo tellus conciliata, & utrinq; obsides dati, hinc Christus, illinc Paracletus.

Patet id, quia & ad Pauli oppugnationem descendit.

Christus Divinitatem omnem Mundo supplet.

Omnium enim nationum Deos acciperat.

Midas quidquid tangeret in aurum vertebat, ex Poetis. Beati enim qui illas patiuntur.

Pontifex enim, ser-
uus servorum in-
scribitur & tamen
illius dignitas pri-
ma est.

Omnis enim doctri-
na, Christum scire,
quod unum doce-
bant Apostoli.

Ad illud, in nomi-
ne meo Dæmonia
ejicient, montes
transferent &c.

Monachi in sylvis
Fauni sanctissimi.

Fiunt enim omni-
bus omnia, ut de se
Paulus.

Christus suorum
magis moribus,
quam voce lauda-
tur.

Martyres in Thea-
tris Gladiatorum à
Christo calicibus
dati.

Probrosam antea servi nomē,
Prima nunc Dignitas est.
Supremæ Majestatis ambitio
Libertos suos omnes Reges inungere ;
Unde Chisma quod adhibet
Non tam Athletas armat ad pugnam,
Quam regni candidatos inibat ad Coronam.
Athenas ubique circumferunt
Semivocales Galilæi ;
Et literata omnis de Jesu est ;
Plena definitur philosophia, illum scire,
Plena felicitas, illum diligere.
Antiquat jura omnia nomē novum ;
Motis fluctibus Remora
Fixis sit vehiculum Montibus.
Immutavit Arcopago Judices,
Citco Gladiatores.
Feris Eremos eripit ;
Et dat Ascetis.
Monstra Naturæ minuit,
Et auget Gratia.
Faunis sylvas, sed pudicis exhilarat,
Protheis Urbes,
Sed solam versatilibus in Saltirem.
Velint nolint, omnia Christo dant gloriam,
Vel beneficiis affecta, vel pœnis.
Quo major illi tamen laus sit esto tu melior.
Nulla illi panegyris gratior,
Quam quæ se dignis venit ex Moribus.

ELOGIUM XCVI.

STEPHANI AGONEM STANS
SPECTAT.

Act. Apostol. cap. 7.

Pellite, populi,
Feras, & Mirmillones è Theatro ;
Mitiores de Gladiatoribus suis ludos
Date Mundo Christus instituit.

Pri.